

故少信者矣

豈清書

延聖院比丘維勉惟嚴謹將先師成功德上存日置到田歲收花利刊雕此經跋功德還薦 覺靈者

咸淳七年十月

日歲司

謹題

大明度無極經卷第二

羽九

大明度無極經卷第三

羽十

吳代月支國優婆塞支謙譯

大明度無極經清淨品第七

善業白佛言少曉明度無極未狎習者佛言五陰清淨道清淨道清淨五陰亦清淨適等無異五陰清淨一切智清淨一切智清淨五陰亦清淨等無異今不斷前亦不斷後今不壞前亦不壞後今正等無異鷲鷲子白佛言甚深清淨天中天佛言清淨鷲鷲子言極明虛無無瑕穢無所有無不遍無生欲無色想清淨天中天佛言清淨矣又曰五陰清淨天中天佛言不知不隨不想清淨矣又曰一切

智明度不增不減何以故無所有經護清淨佛言清淨矣善業白佛言意清淨五陰清淨五陰清淨意亦清淨天中天佛言本清淨矣一切智清淨道亦清淨佛言本清淨矣五陰無邊意亦無有邊佛言本清淨矣大士明照其源其故明度本清淨不在彼不在此不在中本清淨矣善業白佛言開士有想便離明度遠佛言善哉如尔言有名想便着曰難及天中天是明度如來安濟群生說是於着鷲鷲子問善業何所為着答曰念五陰空着念往古來今皆着釋問善業何因着答曰心想念施與無土正真道心無當何等施是善人勸樂教人於本空如是無過如佛所教出於諸着中去佛言善哉汝為開士大士本空不着復次若有深着想念如來隨所想便為着往古來今佛無所着法代歡喜以施作無上正真道者法無往古來今一切不得有施想無念無見無聞無心不念心對曰甚深天中

天佛言明度本清淨矣善業言自歸明度佛言法無作者無作無上正真道者善業言如佛教無作者佛言不兩法本無一本無是本無無作是本無者如是一切疾過着去對曰難了天中天佛言如是無得佛者對曰明度不可計也佛言然心不自知心善業言無作

明度者天中天佛言無師作者求明度不五陰求不空五陰求為求明度五陰不滿為非五陰不求為求明度對曰難及天中天着無着天中天着無着是者為不着佛言五陰不着不求為求明度五陰着為不求明度滿港頻來不還應儀緣一覺者為不求何以故着

明度三

二

出一切智中如是開士着不着為出為守一切智對曰難逮天中天甚深所說法說之不減不說不增佛言如是不減不增所以然者如來盡稱譽虛空亦不增減譬如幻人譽毀不能使其有喜感增減矣吾經說衆生各學誦誦經亦不增減慙苦求明度守者不懈不

恐不動不轉隨是教不捨還何以故作是守者為守空諸天人鬼龍皆為當作礼以其服大慈法鎧與虛空戰濟衆生之禍現世景福之故也善業言被鎧譽虛空舉三處人至大精進上勇猛天中天法如虛空故索無上正真道欲得平等寂正覺有異比丘心念自歸

明度者為無生滅法釋語善業作是求隨是教何因隨是教善業言明度隨是教者為隨空教釋白佛言學明度者當護幾聞善業云何釋見法不當所護者隨是教者衆生不能得其便也行明度護為護虛空云何釋有力者能護響不曰不能也如響亦無想念為求

明度持佛威神三千大千諸釋梵四天王諸尊天王一切皆來為佛作礼繞三匝却住一面念千佛號字形容被服所出國土皆如釋迦文其弟子字皆如善業問明度者皆如釋其本教授時皆時同一處開士大士皆被大鎧學明度佛告善業慈氏開士作無上正真

明度三

三

平等學時亦當於是說明度曰云何說五陰不受說不空說不着說不脫五陰說歎曰清淨天中天佛言五陰清淨明度清淨如空也對曰五陰無穢天中天佛言無穢矣善業言學是者不橫死也諸尊天常隨之經師月八日十四日十五日說經時諸開士常來大會

佛言是善士汝得功德甚多難計所以然者明度無所近法無所取經無有無得無瑕無玷無求無想是為求明度無所觀見法諸天子心大歡喜同聲而歎曰斯天下乃再見經輪轉佛告善業不兩經輪轉無所從生法不來不去如是善業言求安開士諸法皆無所

罣礙作無上正真道平等正覺佛言無經輪轉無經達何所為經輪轉無見經達何所為經輪轉無見經無觀法何以故諸經所生如虛空無轉無去作是說便為說經無說經者無聞者無證是說經者為滅度是說經為無人善業白佛如虛空無極悉明度平觀諸法

無不明了天中天本空無上諸法不可達無看無身無去無來無來無持無盡無根無所從生無滅無作無師無知無想無所罣礙無適無壞無本如幻無見如夢無我清淨無穢不可見無處定不動搖無念平等不動法不移無欲法無異無所生向無想去垢盡恚恨

無人人本無不觀法無所起不至邊無所止不腐不敗無不入諸應儀緣一覺所不能及不乱無設不可量無小法無形無所生起無苦諸法不相侵無我無所着空諸法無所出力無能勝者不可計出計去無所畏心不懈如來諸法本無無師無為寂寞明度無極天

中天

大明度無極經悉持品第八

帝釋作是念今見佛聞明度無極者過去佛時人也何況學持諷誦用是教住其人前世供養若干佛從問事已是善士為更見過去正真正覺從是深法聞說時不疑不恐不畏

卍三

四

不難驚鷲子白佛言是深明度開士大士信受者視當如不退轉何以故本精進故釋語驚鷲子是法甚深從斯定難乃尔乎聞其義而不信者彼求佛道未久以斯為難矣自歸明度為自歸一切智矣夫一切智者是明度所照明當作是住解慧釋白佛言云何於明

度中住解慧佛言善哉釋若今作是問持佛威神使若發此問耳開士求明度五陰中不住為應行五陰不究竟尔故不於中住驚鷲子白佛言甚深天中天是法難見無邊佛言五陰其不住不隨不入五陰中驚鷲子言有不退轉開士當於前說之聞是慧法不疑不

厭釋問驚鷲子未受決開士若於前說將有何異曰未受決者聞之或恐退若大士聞斯義得淨定者疾近受決不久或見一佛若兩佛便受決或自於斯中受決得無上正真道佛言如是求佛乃從久來當作是知未受決者當聞見是法驚鷲子白佛言我樂是語樂

人中之安佛言樂者當於佛前說之驚鷲子言辭如開士至德自於夢中昇佛座坐當知斯開士但欲成佛如是天中天是明度若有得者其功德欲成滿近佛佛言善哉是語乃作是樂如佛威神復白佛辟若欲行萬里若二萬里到大深澤中遙見牧牛羊者境界居

刊大明度三

舍叢樹心中作是念想郡縣聚落將欲見之稍稍前行沮欲近郡縣不復畏盜賊如是天中天開士大士得是法今近受決不久不復恐隨應儀緣一覺道中何以故上正想見已欲見大海者便稍稍往想見其山林明慮諦見海尚遠即不想見矣汝若欲至無復山樹之想矣得此法者雖不見佛從受決今作佛不久辟若春時樹葉稍欲生出當知此不久華葉若實當成熟何以故上想見華葉當實成熟斯土有眼者大歡喜用見華葉實知當成熟如是開士大士上想受決不久今受決作無上正真道佛言善哉驚鷲子持佛

威神使若說明度善業白佛言難及天中天  
 悉豫了署開士大士作如來無所著正真道  
 寂正覺佛言用是故開士大士晝夜愍傷群  
 生欲使其安自致無上正真道成作佛時悉  
 為說經善業言云何求得成就作佛佛言經  
 中作是觀五陰不過為求明度不觀見法為

求明度對曰不可計天中天所說佛言如是  
 五陰不可計不可求對曰誰當信是者從是  
 求開士大士佛言何所為求正使求者但為  
 名耳是出開士大士明度力四事佛法一切  
 智無所近何以故力不可計四事佛法一切  
 智皆不可計五陰諸法亦然也正使作是求  
 為無所求為求明度正使作是求但為名耳  
 善業言甚深天中天斯乃寶將中王與虛空  
 戰勇德難勝令佛行業傳之無窮佛言然亦  
 故開士欲疾書是經至無何以故於寶中多  
 有斷起善業言弊邪存想欲使經斷佛言邪  
 欲斷經會不能勝鷲鷲子問持誰恩不能中

斷佛言十方現在諸佛威神悉共擁護是開  
 士大士佛所授定邪不能斷也又白佛言是  
 明度若念誦持學書者諸佛威神皆共擁護  
 佛言我眼視是學持誦者取後書持卷者當  
 知是輩如來眼所見是至德受持是經者疾  
 近佛坐得大功德如來去後是法當在釋氏

大明度三

六

國彼賢學已轉至會多尼國在中學已復到  
 鬱單越國在中學已却後我經沮欲斷時我  
 斯知已亦時持是明度寂後有書者佛悉豫  
 見其人已佛所稱譽也鷲鷲子問佛鬱單曰  
 國當有幾開士大士學斯定佛言少耳是經  
 說時聞不恐不難為疾近如來其人前世問  
 如來已學開士至德持戒完具多所度脫是  
 輩索佛道者我知是高士近一切智其所生  
 處志常所歸當學斯義欲求無上正真道是  
 人行尊邪終不能動使捨佛志也聞明度已  
 得極歡樂尊得大乘德達近無上正真道雖  
 不見我後世得是法為面見佛佛說斯語如

矣儻有求道者當共教勸令學佛道我悉代  
歡喜有作是教者心復心轉轉相明自在願  
生何方佛刹所生異方面見佛說經時當復  
於後教人求佛驚驚子白佛言難及天中天  
云何乃有是如來往古來今斯高士何法不  
知何求不得云何乃有是決甫當求佛者是  
輩為精進逮入六度中學佛言是輩人有求  
經不求者會值經法願不離經索無止時不  
索自得六度驚驚子問有覩斯明度定眾經  
由之出乎佛言有解明度者諸經出之所以  
然者是佛教法當教一切人勸令取佛亦復  
自學斯經深義彼諸高士所生逢佛獲六度  
無極矣

大明度無極經覺邪品第九

善業問佛高士種類欲學當何以覺其難天  
尊曰欲學明度無極心不喜者當覺邪為心  
忘疾起者心欲學卒聞乱起若書是經雷震  
畏怖開士轉相調戲左右顧視書是經邪念

不着經從座起去自念我不受決法不在明  
度中便乱心起內不得靜自念我鄉土郡縣  
國邑不聞是經意悔捨去其人却後若干劫  
聞餘道經喜不能任明度而隨異經便墮應  
儀緣一覺道中是為枝葉譬若男子得象觀  
其脚云何黠不曰不也天中天佛言如是求  
開士道棄明度去反修學餘經得應儀緣一  
覺道曰黠不曰不也天中天天尊曰譬若欲  
見大海而覩陂水曰斯巨海矣黠不曰不也  
天尊曰開士棄深明度取餘經隨應儀緣一  
覺道中有智無對曰不也天尊曰譬若作絕  
妙殿舍匠師意欲齊日月宮殿於善業意能  
作不對曰終不能也斯匠黠不對曰不也天  
尊曰求開士道聞明度已復棄去學應儀緣  
一覺道法欲於中求佛是人黠不曰不也天  
中天佛言譬若欲見飛行皇帝反見小王形  
容被服諦熟觀之曰斯但是飛行皇帝也是  
人黠不對曰不也天中天佛言甫當來開士

得深法已復棄去入應儀法中欲求佛云何  
 有智無對曰不也譬若大飢得百味飯食已  
 欲得六十味飯商人得無價明月珠持水清  
 塗明月珠欲令合同是人默不對曰不也佛  
 言甫當來開士得明度經反比應儀道棄去  
 入應儀法中欲得作佛復次當書時邪使財

利從他方來聞利便棄法住不能書成也當  
 覺邪為書是經時莫言我書莫作是語也當  
 從經中聞決作是言者邪得其便矣不介者  
 邪界空書時意或著世兵賊亂親屬財利  
 飲食病瘦醫藥念父母兄弟及眾能念開士  
 當明覺斯為邪使復次我有名深經邪復次  
 刊大明度 三

讀之便行亂學明度者意令釋本崇末便不  
 得變謀明慧佛言開士大士欲說變謀明慧  
 從明度索之而今復得復棄去於應儀道中  
 索變謀明慧是開士默不曰不也天中天佛  
 言受經人欲聞法師使不安正使安欲與明  
 度受經人捨去師徒不和書不成也學人來

受師欲至他方兩不和矣或念在衣食財利  
 受經人亦無用施本不得明度如是當覺邪  
 為受經人正使無所愛惜不逆師師有斯經  
 弟子問事師不肯解之受經人資恒退或時  
 師欲說受者不悅也師若身疲不能起說經  
 學士志銳而不得學當覺邪為復次是法說

時書時儻有來者說地獄餓鬼禽獸大勤苦  
 當早斷之作應儀無荷重患矣若復於眾譽  
 天上樂云於彼五所欲自恣所存亦可一心  
 念空然雖獲所念會當別離受彼眾苦不如  
 於斯索溝港頻來不還應儀道莫與壞敗虛  
 空從事復次師尊貴心自念有敬歸我者我

與明度不者則止學人自歸不避劇難師不  
 肯授欲到四劇怖中又告之曰穀貴之虞虎  
 狼賊中五空澤間我樂往彼介諦思議能隨  
 我行忍此勤苦不得後悔弟子憂曰師具解  
 與不肯相授吾奈之何乎師徒志乖明度書  
 學誦經經行之時弟子愠厭不復受學稍捨  
 刊三 九

就俗令經法義擁當覺邪為復次師健乞丐  
多方便欲懈惰去便誚語學者我當到某處  
有所問訊如是不知當學誦經行時遇此當  
覺邪為復次弊邪常索其便如斯之惱無得  
受深法者善業問何因如茲佛言弊邪主行  
誹謗明度言我有深經其義玄妙餘皆非法

也是故新學開士心疑恐非明度無極終始  
不學邪事一起時有開士深守禪行便得滿  
港道是為證

大明度無極經照明十方品第十

善業白佛言佛說明度無極照明於世何謂  
照明天尊曰如來持五陰示於世又問云何

示現壞五陰現世邪不壞現世乎天尊曰五  
陰本無壞不壞何以故空相願無壞不壞無  
所生無壞無所識無壞不壞五陰本空相願  
無所生無所識明度示現於世無量人心如  
來得明度悉知其源何等為知其源人本心  
本心本人本等無異如是明度出如來示現

於世復次善業疾心如來從明度悉知何等  
為疾心乱心即知經本出入於心中本無入  
經亦無出經心故為經本經故為心本本經  
不疾不乱即知何等為疾心即知隨其疾盡  
盡為無所有為心如無所有不疾乱是為疾  
心即知如是明度出如來示現於世愛欲心

本即知瞋恚心本即知愚癡心本即知何等  
愛欲瞋恚愚癡心本即知愛欲本心非愛欲  
心瞋恚心本非瞋恚心愚癡心本非愚癡心  
何以故心本不現無想無想是無愛欲瞋恚  
愚癡是為本無如本經無本如是明度出如  
來愛欲瞋恚愚癡心斷即知何等心斷即知  
心斷非愛欲也非瞋恚也非愚癡也何以故  
愛欲心斷本瞋恚心斷本愚癡心斷本皆無  
所從出無有本無所從生諸法無所從出無  
愛欲愛欲斷無瞋恚瞋恚斷無愚癡愚癡斷  
不可得見如是明度出如來示現世間為有  
德為人故曠大心即知無大心無益心無去

拜大明度三

十

心何以故心本斷如是出如來用有德用人  
 故無邊幅心即知是心不去不來不住何以  
 故本空無所出本無不來不去不住如是不  
 可量心即知不增心身中心知如虛空不可  
 計如是心知明度出如來不可計人未見心  
 即知何以故無想一切見經諸法如心等心

如諸法想非諸法諸法非心想何等想非諸  
 法何等非想心諸法無想心亦無想不見如  
 是明度出如來欲得是致是用有德用人故  
 何等欲得是致是一切欲得致在五陰中住  
 欲得從是便致是善業如來云何欲得是因  
 致是從死致死是為色從死致不死是為色

從不死致不死是為色不有死不無死是為  
 色五陰如有世無我是為色無世有我是  
 為色有世有我無世無我是為色不有世不  
 有我不無世不無我是為色如是得世本源  
 得我本源是為色不得世本源不得我本源  
 是為色有本源無本源是為色不有本源不

無本源是為色有本源無本源是為色不有  
 本源不無本源是為色是命是身是為色非  
 命非身是為色五陰亦亦是為欲得是因致  
 是從我身起如來用人所著所縛所欲故即  
 知為知過去如來知時知今如來知時知色  
 何等知色如來知如本無五陰亦亦如來五

大明度三

十一

陰何等為知如本無五陰本無如來本無作  
 是見本無五陰本無世本無諸法亦本無溝  
 港頻來不還應儀緣一覺本無如來亦本無  
 一本無無異無所往無所止無想無盡如是  
 本無無異如來從明度中出悉知之是故名  
 佛矣善業白佛言甚深天中天誰當作是者

獨得應儀及不退轉乃信耳佛言本無無盡  
 時如來所說無極釋與萬天子俱梵眾天與  
 二萬天子俱到佛所頭面著佛足却住一面  
 愛欲天子梵天子俱白佛言天中天所說法  
 甚深云何其想佛告諸天子虛空著無相無  
 願無所住如虛空無所罣礙諸天龍鬼神不

能動也何以故是想無作者五陰不能作想人非人所不能作佛告諸天子若言有作虛空者寧信不對曰不也天中天無作虛空者何以故虛空無色天尊曰是想常住有佛無佛是想住如故如來悉知是諸天子白佛言是想甚深如來悉知無所呈礙明度是如來

自在道是佛所居處也佛告善業如來恭敬於經承事自歸何謂是經明度是經如來從是得無上正真道用是故我恭敬經當報經恩諸法無作悉知無持來是為報經恩善業白佛言諸法不知不見何等為明度出如來示現於世天尊曰諸法不所住如是悉知見出如來示現於世五陰不見作是示現於世何等不見者五陰無因緣不見不見是為明度出如來示現於世如虛空示現於世示現於世難得清淨是為示現於世大明度無極經不可計品第十一善業白佛言極大究竟明度無極無量無與

等者佛言然如來無師一切智是故明度不可稱量安隱究竟無與等者善業白佛言云何天中天如來無師一切智無量無邊佛言五陰不可計量諸法亦尔五陰無量諸法邊幅無獲其際者用何等故五陰諸法亦盡虜云何善業虛空可計盡不對曰不可盡天中

天佛言諸法亦然用是故如來法諸法無邊量用法無量故發心起學無量明度如是本無心心念辟若虛空無心無念有無有念因隨作是說不可稱計時五百比丘二十比丘尼得應儀六十清信士清信女皆得溝港二十開士逮得無所從生法樂皆當於是賢劫中受決對曰甚深天中天明度極大安隱究竟佛言如尔云矣出一切智諸開士緣一覺道悉從中出辟若轉輪聖王一切國土皆為日誦王無所憂佛法緣一覺法應儀法皆從中出立五陰不受不入溝港頻來不還應儀緣一覺一切智道不受不入善業問何等一

切智不受不入佛言云何若見應儀等所入  
不對曰不見也天中天佛言善哉善哉我亦  
不見如來所入處如我無所入一切智亦無  
所入受欲天子梵天子俱白佛言甚深天中  
天明度難了也正使三千國土人民過去佛  
時所作功德一切皆信已具足過一劫方是

深明度中樂一日念不可量深出彼德有餘  
佛告諸天子正使復有賢人聞是深法已得  
證疾使彼輩所信樂過一切其功德不及是  
也諸天子聞是頭面着佛足繞已稍稍却遠  
俱不復現各自還去善業白佛若有開士大  
士信是明度者從何來生佛言三譬如新生犢  
子不離母如是開士大士聞明度已終不離  
經師爲從人道中來生善業白言若有逮是  
功德有從他方佛刹來生者無佛言有他方  
佛刹供養已從彼來生於堯術天上從慈氏  
開士問慧今欲求是法不懈持是功德復逮  
得是經若有前卅時聞不聞中慧今生聞是

經於中有疑厭不信樂其人前卅不從師問  
中事復次開士大士前卅時聞是問其中慧  
若一日二日三日至五日持是功德今復逮  
得是經便信樂之若有欲樂聞時用是亂故  
其心數轉如秤乍低乍仰從新學來如是少  
信樂當隨兩處應儀緣一覺道中

大明度無極經譬喻品第十二

佛告善業譬如大海中船卒壞其船中人不  
取板橋不能得渡必於水死若得板若橋有  
健者乘騎便不死當知順隨海水出也開士  
大士有信樂有定行有精進欲得無上正真  
道而不得明度變謀明慧不得學當中道得  
應儀緣一覺道其有信樂定行精進欲逮無  
上正真道得學明度權慧者終不中道懈過  
出應儀緣一覺去正在無上正真道中立譬  
若士女持坵瓶取水知不久必壞所以然者  
未成故事不逮此深法終不能逮一切智便  
中道厭却隨二道中譬若持瓦瓶行擔水安

隱歸至何以故已成故學得深法知終不中道自恣心止無上正真道辟若大海中船不慎護以財物着中至於道壞財物離散亡其重寶如是開士大士正使至意學不得深法當知中道厭便亡名寶中道懈怠隨二道中辟若有人施張大海中故船補治持財物着中有所至不中道壞必到其處如是開士大士有信樂定行精進學又得深法終不中懈止上至無上正真道中立終不墮兩道正向佛門辟如人年老而身病云何是人能從牀自起不善業言不能天中天或時起無力不能自致正使病愈能自起會不能行步佛言如是開士大士具如上所行學不得深法而欲達無上正真道終不至佛當中道懈惰二道中辟如老病人除愈欲起行有健人來扶侍之告曰無恐自我相送終不中道相棄送着所樂處如是具有上行開士學得此深明度無極變謀明慧當知終不中道懈必能究

竟於中得無上正真道

延聖院比丘清海書

大明度無極經卷第三

羽

同丘普明壽比丘 遺集

情旨特發誠心施之楮壹佰肆恭入

續沙延聖大藏經院刊彫

大藏大明度無極經板第三卷所集

功德回向

四恩三有法界有情同圓種智乞

庇袈裟堅固魔障無侵來報之中五福咸具者

咸淳八年六月

日暮緣空

惟善謹題

大明度無極經卷第四

十一

吳代月支國僧 婆塞支講譯

大明度無極經分別品第十三

善業白佛言云何阿闍浮開士學明度無極佛言當與善友從事以善意隨明度教何等為隨教所布施持戒忍辱精進禪定智慧當

第十一